

429/22

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za socijalnu zaštitu, stambene poslove i društvene djelatnosti

Broj:07-31-4260/22
Zenica, 02.06.2022.godine

STRUČNA SLUŽBA GRADSKOG VIJEĆA

PREDMET: Odluka o subvencioniranju troškova grijanja za korisnike socijalne zaštite
- dostavlja se

Poštovani,

U prilogu akta dostavljamo prijedlog Odluke o subvencioniranju troškova grijanja za sezonu 2021/2022 u skladu sa odobrenim sredstvima u budžetu Grada Zenica na poziciji JU Centar za socijalni rad Zenica gdje je za ovu namjenu opredjeljeno 100.000,00 KM.

Prijedlog odluke je pripremila JU Centar za socijalni rad koja je prvostepeni organ za odlučivanje o pravu na stalnu novčanu pomoć i koji provodi postupak za ostvarivanje prava na subvenciju troškova grijanja.

Ova Služba je sudjelovala kod izrade akta vodeći računa o usklađenost predloženog načina subvencioniranja prema opredjeljenim budžetskim sredstvima i usklađenosti predloženoog perioda subvencioniranja prema ranijoj Odluci o subvencioniranju troškova grijanja za sezonu 2020/2021. godine objavljenoj u „Službenim novinama Grada Zenica“ broj: 5/21.

S poštovanjem.

PRILOG:

1. Prijedlog Odluke o subvencioniranju troškova grijanja za korisnike socijalne pomoći sa popratnim aktom JU Centar za socijalni rad broj:03/19-31-56-352/22-SK od 20.05.2022.g.

Urednik
DOSTAVLJENO:

1 x Naslov
1 x a/a



POMOĆNIK GRADONAČELNIKA

Sumea Mujkanović



23-05-2022

Javna ustanova Centar za socijalni rad Zenica
Javna ustanova Centar za socijalni rad Zenica
Javna ustanova Centar za socijalni rad Zenica

POSREDOVANJE

POSREDOVANJE

POSREDOVANJE

POSREDOVANJE

POSREDOVANJE

POSREDOVANJE

POSREDOVANJE

POSREDOVANJE

+387 22 447 011

+387 22 447 012

+387 22 447 013

+387 22 447 014

+387 22 447 015

+387 22 447 016

+387 22 447 017

+387 22 447 018

Broj: 03/19-31-56-352/22

Datum: 20.05.2022. godine

BOSNA I HERCEGOVINA

FEDERACIJA BOSNE I HERCEGOVINE

ZENICKO-DOBOJSKI KANTON

GRAD ZENICA

Služba za socijalnu zaštitu, stambene poslove i društvene djelatnosti

Predmet: Prijedlog Odluke o subvencioniranju troškova grijanja za korisnike socijalne

Pomoći – dostavlja se

Veza: Vaš akt broj: 07-31-4260/22 od 10.03.2022. godine

U skladu sa vašim aktom broj i datum iz Veze, dostavljamo vam prijedlog Odluke o subvencioniranju troškova grijanja za sezonu 2021/2022. godinu (u daljem tekstu: Odluka).

U skladu sa odobrenim sredstvima u budžetu Grada Zenica na poziciji JU Centar za socijalni rad Zenica, za ovu namjenu je predviđeno 100.000,00 KM.

Ukoliko bi bio prihvaćen ovaj prijedlog Odluke, istom bi bilo obuhvaćeno 554 korisnika stalne novčane pomoći, kojima je navedeno pravo priznato do 15.10.2021. godine. Nakon obavljenih konsultacija sa JP „Grijanje“ Zenica, konstatovano je da 73 korisnika se nalaze na sistemu centralnog grijanja, za koje bi subvencija iznosila 42.142,72 KM. Preostali korisnici koji nisu na sistemu centralnog grijanja, njih 481, bi bili subvencionirani sa po 110,00 KM, što je za 10 KM više nego za prošlu godinu, pa bi u zbiru dobili 52.910, KM. Ukupno bi prema prijedlogu Odluke bilo potrošeno 95.052,72 KM.

S poštovanjem,

DIREKTOR

Muamer Mehić, dipl. pravnik

Dostavljeno:

1) Naslov

2) Direktor

3) Stručni saradnik za materijalne oblike socijalne zaštite

Na osnovu člana 21. Statuta Grada Zenica („Službene novine grada Zenica“, broj: 5/15) i člana 36. Poslovnika Gradskog vijeća („Službene novine grada Zenica“, broj 4/17), a u vezi sa članom 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine ZE-DO kantona“, broj: 13/07, 13/11, 3/15 i 2/16), Gradsko vijeće Zenica, na svojoj _____ sjednici održanoj dana _____ 2022. godine, donosi:

ODLUKU

O SUBVENCIONIRANJU TROŠKOVA GRIJANJA ZA SEZONU 2021/2022. GODINE

I. Opće odredbe

Član 1.

Ovom odlukom utvrđuje se pravo na subvencioniranje troškova grijanja, obim prava, korisnici prava, uslovi za ostvarivanje prava, postupak za ostvarivanje prava, sredstva za finansiranje, kao i druga pitanja od značaja za ostvarivanje prava na subvenciju troškova grijanja.

Član 2.

1) Troškovi grijanja u smislu ove odluke su:

- a) troškovi zagrijavanja stambenog prostora toplotnom energijom iz sistema centralnog grijanja kojim upravlja JP „Grijanje“ d.o.o. Zenica (u daljem tekstu: centralno grijanje)
- b) troškovi zagrijavanja stambenog prostora alternativnim izvorima toplotne energije kao što su: drvo, ugalj, plin, nafta i dr., (u daljem tekstu: alternativno grijanje).

2) Troškovima grijanja, u smislu ove odluke, smatraju se troškovi nastali u periodu od 01.07.2021. do 30.06.2022. godine.

II. Obim prava na subvencioniranje troškova grijanja

Član 3.

1) Subvencioniranje troškova grijanja (u daljem tekstu: subvencija), u smislu ove odluke, je pravo na subvenciju troškova:

- a) alternativnog grijanja u jednokratnom iznosu od 110,00 KM,
 - b) 100% iznosa mjesečnih računa za usluge centralnog grijanja.
- 2)** Računom centralnog grijanja smatra se račun JP „Grijanje“ d.o.o. Zenica ispostavljen licima koja ostvaruju pravo na subvenciju u skladu sa ovom odlukom.

III. Korisnici prava na subvenciju

Član 4.

- 1) Korisnik prava na subvenciju je korisnik prava na stalnu novčanu pomoć kod JU Centar za socijalni rad Zenica, koji je ostvario pravo do 15.10.2021. godine.
- 2) Korisnici su dužni prijaviti svaku nastalu promjenu koja je od uticaja za ostvarivanje ovog prava u roku od 15 dana od dana nastale promjene.

Član 5.

Prava iz ove odluke su lična, neprenosiva i mogu se koristiti samo po jednom osnovu.

IV. Postupak za ostvarivanje prava na subvenciju

Član 6.

- 1) Postupak za ostvarivanje prava na subvenciju troškova po ovoj odluci po službenoj dužnosti vodi JU Centar za socijalni rad Zenica (u daljem tekstu: Centar).
- 2) Subvencioniranje troškova centralnog grijanja vršiće se na sljedeći način:
 - a) Centar izrađuje tabelarni pregled korisnika koji sadrži sljedeće elemente:
 - 1) redni broj, prezime i ime korisnika,
 - 2) prezime i ime lica kod koga korisnik stanuje,
 - 3) adresa stana, površinu stana u m², broj članova domaćinstva,
 - 4) period za obračun i iznos subvencije.
 - b) Ovako sačinjen pregled, Centar dostavlja JP „Grijanje“ d.o.o. Zenica radi usaglašavanja.
 - c) Nakon usaglašenog pregleda između Centra i JP „Grijanje“ Zenica Centar vrši izradu rješenja, spajanjem predmeta u jedan, u skraćenoj formi, bez obrazloženja koje sadrži sve elemente iz usaglašenog tabelarnog pregleda.
- 3) Subvencioniranje troškova alternativnog grijanja vršiće se na sljedeći način:
 - a) Centar za socijalni rad vrši izradu rješenja, spajanjem predmeta u jedan, u skraćenoj formi, bez obrazloženja koje, pored novčanog iznosa, sadrži i sljedeće elemente:
 - 1) redni broj, prezime i ime korisnika,
 - 2) JMBG korisnika i
 - 3) adresu korisnika.
- 4) Rješenja iz stava (2) i (3) ovoga člana objavljuju se na oglasnoj tabli Centra. Rješenja postaju pravosnažna osmog dana nakon objavljivanja na oglasnoj tabli.
- 5) Pravosnažno rješenje kojim je utvrđeno pravo na subvenciju troškova centralnog grijanja Centar prosljeđuje JP „Grijanje“ Zenica na dalje postupanje, JP „Grijanje“ za korisnike, prema dostavljenom pravosnažnom rješenju, Centru ispostavlja obračun kao osnov za plaćanje.
- 6) Rješenje, kojim je utvrđeno pravo na subvenciju troškova alternativnog grijanja, realizoveće se po propisima i procedurama trezorskog poslovanja.
- 7) Pravosnažna rješenja, kojim je utvrđeno pravo na subvenciju, se dostavljaju i Službi za socijalnu zaštitu, stambene poslove i društvene djelatnosti.

V. Sredstva za finansiranje

Član 7.

Finansijska sredstva za realizaciju ove odluke planirana su u Budžetu Grada Zenica za 2022. godinu na poziciji budžetskog korisnika JU Centar za socijalni rad Zenica, organizacioni kod 59010002, Posebne namjene, Ekonomski kod 614200, Budžetska pozicija 181- Izdaci za grijanje korisnika socijalne pomoći.

VI. Prijelazne i završne odredbe

Član 8.

Korisnici stalne novčane pomoći kod JU Centar za socijalni rad Zenica, nastanjeni u naselju Kamp Putovići, za koje Grad Zenica plaća električnu energiju, ne ostvaruju pravo na subvenciju na alternativno grijanje iz člana 3. ove odluke.

Član 9.

Za realizaciju ove odluke zadužuje se:

- a) JU Centar za socijalni rad Zenica,
- b) Služba za socijalnu zaštitu, stambene poslove i društvene djelatnosti,
- c) Služba za budžet i finansije Grada Zenica i
- d) JP „Grijanje“ Zenica.

Član 10.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-_____/22

Zenica, .05.2022. godine

Predsjedavajući

Gradskog vijeća Zenica

Mirza Husetić

DOSTAVLJENO:

- 1 x Gradonačelnik,
(putem Službe Gradonačelnika)
- 1 x JU Centar za socijalni rad Zenica,
- 1 x Služba za socijalnu zaštitu,
stambene poslove i društvene djelatnosti,
- 1 x Služba za finansije,
- 1 x „Službene novine Grada Zenica“,
- 1 x Stručna služba Gradskog vijeća,
- 1 x a/a.